

國

朝

列

卿

紀

國朝列卿紀卷之四十四

禮部左右侍郎年表

吾

紳 浙江開化人進士永樂十八年右十九年降廣東參議

郭

敦 山東堂邑人鄉舉永樂十八年右二十二年遷戶部左歷戶部尚書

胡

澹 詳尚書永樂二十一年以左侍郎巡江浙諸郡回任洪熙元年春改南京國子祭酒冬復任

鄒師顏

海廣宜人監生永樂二十二年右洪熙元年卒

張

瑛 直隸邢臺人鄉舉洪熙元年右宜德元年人閣歷禮部尚書兼華蓋殿大學士

李

嘉 順天宛平人生貞宣德元年左七年卒

李

琦 直隸元氏人薦舉宣德元年右四年改湖廣右布政使

吾

紳 見前宣德四年右五年改刑部歷南京禮部右侍郎

蔣驥

浙江錢塘人進士宣德五年右本年卒

章敞

浙江會稽人進士宣德五年右正統元年左二年卒

吳廷用

福建政和人進士宣德九年左蒞事南京

王士嘉

山東武城人監生正統元年右十年致仕

王直

江西泰和人進士正統二年左八年陸吏部尚書加至少傅卒謚文端

王英

江西金谿人進士正統三年左十三年陞南京禮部尚書卒謚文忠

錢習禮

江西吉水人進士正統十年右十一年致仕卒謚文肅

楊善

詳尚書正統十一年右

王寧

浙江仙居人進士正統十三年右景泰二年入閣加太子少師兼翰林院學士卒謚文運

章瑾

浙江會稽人敬子進士正統十四年右本年卒

儀

銘

山東高密人官生正統十四年左景泰元年陞南京禮部尚書改兵部兼詹事加太子太保卒謚忠襄

儲

懋

直隸丹徒人鄉舉正統十四年左景泰二年陞南京戶部尚書

李

實

四川合州人進士景泰元年右本年陞都察院右都御史巡撫湖廣

鄒

幹

詳尚書景泰二年右天順元年左

薩

琦

福建閩縣人進士景泰三年右兼少詹事五年卒

姚

夔

見尚書景泰四年右天順元年左

蕭

聰

江西泰和人進士天順元年右本年調南京吏部右侍郎

章

綸

浙江樂清人進士天順元年右二年調南京禮部左侍郎卒贈禮部尚書謚恭毅

鄒

幹

見前天順元年左

李

紹

江西安福人進士天順二年右成化三年致仕

葉

盛

直隸崑山人進士成化三年右五年遷吏部歷左侍郎卒諡文莊

萬

安

四川眉州人進士成化五年左本年入閣加至少師兼華蓋殿大學士諡文康

邢

讓

山西襄陵人進士成化五年右七年爲民

雷

復

湖廣寧遠人進士成化七年右八年改右副都巡撫山西

劉

吉

直隸博野人進士成化七年右八年左十一年入閣加少師華蓋殿大學士卒諡文穆

尹

直

江西泰和人進士成化十一年右本年丁憂歷內閣太子少保兵部尚書兼翰林學士諡文和

俞

欽

浙江新昌人進士成化十一年右十二年左十六年丁憂起兵部尚書

周

洪謨

詳尚書成化十四年右十六年左

謝

一夔

江西新建人進士成化十六年右二十二年陞工部尚書卒贈太子少保諡文莊

徐

溥

直隸宜興人進士成化十七年左二十二年改吏部入閣加少師兼華蓋殿大學士諡文靖

倪

岳

見尚書成化二十二年  
右弘治元年左

黃

景

西上高人進士成化二  
十三年左弘治元年致仕

張

悅

直隸華亭人進士弘治元年右二年  
改吏部歷南京兵部尚書卒謚莊簡

周

經

見尚書弘  
治二年右

費

閻

直隸丹徒人進士弘  
治三年右六年卒

徐

瓊

詳尚書弘  
治六年左

傅

瀚

詳尚書弘治六  
年右九年左

張

昇

詳尚書弘治九  
年右十二年左

焦

芳

河南泌陽人進士弘治十二年右十五年左十  
六年改吏部歷內閣少師華蓋殿大學士爲民

李

傑

詳尚書弘治十五  
年右十六年左

王華 浙江餘姚人進士弘治十六年右正德元年左三年陞南京吏部尚書

劉機 見尚書正德元年右二年左

張灤 廣西南平人進士正德二年右尋左四年陞南禮部尚書歷南戶兵二部

白鉞 見尚書正德二年右

費宏 見尚書正德二年右四年左

靳貴 直隸丹徒人進士正德四年右五年改吏部歷內閣太子太保武英殿大學士卒謚文僖

李孫學 見尚書正德五年右七年左

毛紀 見尚書正德五年右六年丁憂

吳儼 直隸宜興人進士正德七年右十一年左十一年陞南京禮部尚書

石珪 直隸藁城人進士正德十年右十一年左十二年掌翰林歷少保武英殿大學士謚文隱

王

贊

浙江永嘉人進士正德十一年右  
十二年左十六年調南京禮部

顧

清

直隸華亭人進士正德十二年右  
十六年致仕起南京禮部尚書

賈

詠

河南臨潁人進士正德十六年左嘉靖二  
年改吏部歷內閣少保武英殿大學士

汪

俊

詳尚書正德  
十六年右

劉

龍

山西襄垣人弘治己未進  
士嘉靖元年右本年丁憂

吳

一鵬

見尚書嘉靖元  
年右二年左

朱

希周

直隸崑山人弘治丙辰進士嘉靖  
二年右三年陞南京吏部尚書

李

時

見尚書嘉靖三年右  
四年左本年丁憂

劉

龍

見前嘉靖四年右尋左七年陞南  
京禮部尚書歷南京吏部兵部

翟

鑾

山東諸城人進士嘉靖四年右六年遷  
吏部入閣歷少傅謹身殿大學士罷職



桂

萼

見尚書嘉靖六年右

方獻夫

見尚書嘉靖六年右

徐

縉

直隸吳縣人弘治乙丑進士嘉靖六年右七年遷吏部左侍郎

嚴

嵩

見尚書嘉靖七年右八年左十年陞吏部左

李

時

見前嘉靖八年左

何

塘

河南懷慶人弘治壬戌進士嘉靖八年右木年陞南院右都御史

湛

若水

廣東增城人弘治乙丑進士嘉靖八年右十年左十二年陞南禮部尚書

夏

言

見尚書嘉靖十年右

顧

鼎臣

直隸崑山人進士嘉靖十年右十一年遷吏部歷內閣少師武英殿大學士卒

邢

春

四川遂寧人正德丁丑進士嘉靖十一年右十二年遷吏部右侍郎

黃

綰

詩尚書嘉靖十二年左

黃宗明

浙江鄞縣人正德甲戌進士嘉靖十二年右十四年左十五年卒贈右都御史

謝丕

浙江餘姚人弘治乙丑進士嘉靖十四年右十五年丁憂

李廷相

山東濰州人弘治壬戌進士嘉靖十五年左十六年陞戶部尚書

張璧

見尚書嘉靖十五年左十六年左

蔡昂

直隸淮安人正德甲戌進士嘉靖十六年右十九年左本年卒贈禮部尚書

孫承恩

見尚書嘉靖十九年右二十二年轉左二十三年改掌詹事

馬汝驥

陝西綏德人正德丁丑進士嘉靖十九年右二十二年卒贈禮部尚書文簡

許成名

山東聊城人正德辛未進士嘉靖二十二年右二十三年左二十六年罷任

徐階

見尚書嘉靖二十三年右本年改吏部

崔

桐

直隸海門人正德丁丑進士嘉靖二十三年右二十六六年開任

歐陽德

詳尚書嘉靖二十六年左二十八年改吏部掌詹事

王宗慶

直隸開州人正德戊辰進士嘉靖二十七年右二十八年左二十九年陞南京戶部尚書

朱廷立

湖廣通山人嘉靖癸未進士二十八年右本年開任

李默

福建歐寧人正德辛巳進士嘉靖二十八年右二十九年遷吏部歷尚書

王用賓

詳尚書嘉靖二十九年右尊轉左三十年丁憂

程文德

浙江永康人嘉靖己丑進士二十九年右三十一年左本年改吏部

孫陞

浙江餘姚人嘉靖乙未進士三十年右三十一年左三十二年改吏部

閔如霖

浙江烏程人嘉靖壬辰進士三十一年右三十二年左本年改兼學士掌院事

吳山

見尚書嘉靖三十一年右本年左一

郭

朴

河南安陽人嘉靖乙未進士三十二年右三十三年改吏部

茅

瓚

浙江錢塘人嘉靖戊戌進士三十三年右三十五年左

袁

焯

見尚書嘉靖三十五年右三十九年左

嚴

訥

見尚書嘉靖三十九年右四十年左

李春芳

直隸興化人嘉靖丁未進士四十年右本年左

董份

見尚書嘉靖四十年右

高拱

見尚書嘉靖四十一年左

陳陞

浙江餘姚人嘉靖辛丑進士四十年右本年左

秦鳴雷

浙江歸海人嘉靖甲辰狀元四十一年右四十二年左四十四年改吏部左

高儀

浙江錢塘人嘉靖辛丑進士四十三年右四十四年左

陳以勤

四川南充人嘉靖辛丑進士四十四年右

潘晟

浙江新昌人嘉靖辛丑榜眼四十四年任右四十五年轉左

丘岳

湖廣黃岡人嘉靖丁未進士四十五年任右隆慶元年回籍後爲布政使

張居正

湖廣江陵人嘉靖丁未進士隆慶元年任右

殷士儋

山東歷城人嘉靖丁未進士隆慶元年任右

林爌

福建閩縣人嘉靖丁未進士隆慶元年任右

瞿景淳

直隸常熟人嘉靖甲辰榜眼隆慶二年任左本年致仕卒

萬士和

直隸宜興人嘉靖辛丑進士隆慶二年任右本年轉左四年致仕

呂調陽

廣西臨桂人嘉靖庚戌進士隆慶二年任右三年改吏部

王希烈

江西南昌人嘉靖癸丑進士隆慶二年任右四年轉左

許大綬

浙江山陰人嘉靖丙辰狀元隆慶四年任右六年改吏部

馬自強

陝西同州人嘉靖癸丑進士隆慶四年任右

陶大臨

浙江會稽人嘉靖丙辰進士隆慶五年任右萬曆元年改吏部

汪鏜

浙江鄞縣人嘉靖丁未進士萬曆元年任左

丁士美

直隸清河人嘉靖己未狀元萬曆元年由太常卿掌翰林院陞右侍郎兼侍讀學士二年改吏部

林士章

福建漳浦人嘉靖己未進士萬曆二年陞禮部尚書兼侍讀學士五年左仍兼八年陞南京禮部尚書

姚弘謨

浙江秀水人嘉靖癸丑進士萬曆三年任右

呂旻

福建龍溪人嘉靖癸丑進士萬曆五年任右

申時行

直隸吳縣人嘉靖壬戌狀元萬曆五年任右兼侍讀學士加太子賓客本年改吏部

王錫爵

見內閣萬曆六年任右

余有丁 浙江鄞縣人嘉靖壬戌探花萬曆七年任右  
兼侍讀學士八年陞禮部左侍郎兼詹事府

何洛文 河南信陽州人嘉靖乙丑進士萬曆八年  
任右九年轉左俱兼侍讀學士本年丁憂

許國 直隸欽縣人嘉靖乙丑會元萬  
曆九年任右轉左兼侍讀學士

陳思育 湖廣武陵人嘉靖乙丑進士萬曆九年任右  
左仍兼侍讀學士加太子賓客十一年調

陳經邦 福建莆田人嘉靖乙丑進士萬曆十年任  
兼侍讀學士加太子賓客十二年陞吏部

周子義 直隸無錫人嘉靖乙丑進士萬曆十年任  
學士十一年轉左本年改吏部左侍郎

沈鯉 河南歸德人嘉靖乙丑進士萬曆十  
一年任右兼侍讀學士五月改吏部

高啟愚 四川銅梁人嘉靖乙丑進士萬曆十  
一年任右兼侍讀學士十二年

朱賡 浙江山陰人隆慶戊辰進士萬曆十二  
年任右十三年轉左俱兼侍讀學士

沈一貫 浙江鄞縣人隆慶戊辰  
進士萬曆十二年任右

王家屏

元內閣萬曆十二年任右兼侍讀學士十一月改吏部

王弘誨

廣東定安人嘉靖乙丑進士萬曆十三年任右十四年左俱兼侍讀學士十五年加太子賓客掌詹事府

于慎行

山東東阿人隆慶戊辰進士萬曆十四年任右十五年左俱兼侍讀學士

徐顯卿

直隸長洲人隆慶戊辰進士萬曆十五年任右兼侍讀學士

田一儁

福建大田人隆慶戊辰會元萬曆十六年任右兼侍讀學士十七年左

李長春

四川富順人隆慶戊辰進士萬曆十七年任

黃鳳翔

福建晉江人隆慶戊辰進士萬曆十七年任左十八年養病

韓世能

直隸長洲人隆慶戊辰進士萬曆十八年任右兼侍讀學士

陳干陞

四川南充人隆慶戊辰進士萬曆十八年任右兼侍讀學士

趙用賢

直隸江陰人隆慶辛未進士萬曆十八年由南京禮部陞右侍郎兼侍讀學士



禮部左右侍郎行實

吾紳字叔縉浙江衢州府開化縣人聰明強記永樂甲申進士  
改翰林院庶吉士九年授刑部主事歷郎中十八年陞行在禮  
部右侍郎明年以奏對忤 上旨俾出叅政廣東宣德四年復  
入爲行在禮部右侍郎風度俊偉文詞峻潔爲時所稱五年改  
南刑部歷禮部卒於官詳南京禮部

郭敦字仲厚山東東昌府堂邑縣人洪武癸酉鄉試入太學擢  
戶部主事歷官陝西左叅政十八年以公務留京師禮部尚書  
胡濙言其行於 成祖曰郭敦有大臣體宜在左右卽日召見  
以病不克入遂遣御醫視之疾愈入謝獎勞再三 賜鈔襲衣

明日陞禮部右侍郎十九年定鼎北京 命巡撫順天等府安

恤軍民考察官吏二十二年 仁宗臨御以居大行喪不齋戒

公宿降太僕寺卿十月進戶部左侍郎兼詹事府少詹事宣德

二年陞戶部尚書詳戶部

胡濙詳尚書永樂二十一年以左侍郎出巡江浙等郡還任

鄒師顏字

湖廣荊州府宜都縣人洪武中由太學生授大

理寺評事獻獄慈良不尚深刻屢兵部主事郎中二十年陞江

西左叅政革除中以事奪職永樂四年起河南道監察御史小

心謹畏廉介自持人不敢干以私劾御史白容巡視驛傳貪受

賄賂又劾御史李公敏娶兒監罪囚親爲妻或挾其妻就於家

人通宵不返致同僚劉允張睿郭衡皆娶離異不明之婦併令  
都察院鞫之十年改大理寺評事尋陞大理寺右寺丞蒞事益  
周密詳慎以洗冤利物爲已任嘗奉 命清黃盡刷舊弊善於  
其職十九年以事繫掖庭獄二十二年陞禮部右侍郎踰年病  
疽卒家貧不能歸喪 朝廷惜之給官舟載歸人多其有守足  
以激貧頑云

張瑛字子玉直隸順德府邢臺縣人洪武丙子鄉舉授陝西寧  
州訓導調武德衛學再調宿遷縣所致嚴教條責效生徒多成  
才者永樂六年授吏科給事中稽考封駁克舉其職任選侍

官廟誦讀永樂二十二年陞左中允又陞左諭德改司經局洗馬

洪熙元年 宣宗卽位錄舊勞陞行在禮部右侍郎性寬厚喜  
愠不見待人接物一以真率爲本推讓賢能察采協和宣德元  
年入閣詳南京禮部

李嘉字允堅順天府宛平縣人天資凝重不妄言笑自幼卓犖  
有立志事親孝稍長縣大夫選邑學弟子貢前大學士董公倫  
時爲學教諭嘉從授業日暮自策勵所授書率誦讀數百遍四  
書註釋雖老不忘已而念家貧親老丐罷歸侍養爲師者初惜  
其去遂獻詩達意其辭懇切師憫而從之後選奉祀所禮生事  
成祖文皇帝於潘邸敬恭祀事恒致其誠無幾丁父憂哀毀動人  
終喪不飲酒食肉覽父手澤未嘗不流涕而養母愛敬兼盡初

世父希賢死於兵無子倉卒藁葬每念及輒悲竟卜吉壤備禮而葬焉 文皇帝靖內難預効守城勞時南兵逼城外民有負母入城無所依者且避舍以處之且食之粟民母子得全於急意率類此內難平錄守城功召至南京有司奏授鴻臚寺序班數月 上親擢爲通政司叅議且面諭之曰以爾誠實故擢真要地必勤必慎毋忝朕命嘉益盡心乃職一日奏事畢自陳臣有老母在鄉里無兄弟侍側願躬迎母就祿養從之既至時初建北京奉 命董運木之後於河南殫其智慮夙夜不懈後喪母哀毀如喪父 詔賜棺及驛舟歸其喪服闋仍前職遂扈從北狩後坐累左遷鴻臚寺丞 仁廟御極陞左通政又坐累左

遷未行 宣宗嗣大統陞通政使尋改北京行部侍郎念其老不堪繁務又改行在禮部左侍郎雖精力日衰猶勉強事事未嘗少間再歲以疾聞 賜勅褒諭命致仕又數月不起年七十持身端謹一介不苟取予剛方嚴毅人不得干以私其任職細務必親故所歷寡合終不爲變治家整肅教子孫必務學而閒暇道說國初以來北京名賢故老流風餘韻娓娓不窮故大學士楊士奇等皆重其篤實云

李琦字

直隸真定府元氏縣人洪武末以文學授滄州

訓導坐事謫戍雲南革除中以經明行修再薦權監察御史尋遷大理寺右寺副復坐事謫雲南永樂元年上書陳情召試御

史會交南侵廣西地命琦往琦以書喻援引趙佗呂嘉逆順禍福之理并道路遼遠炎涼俱不足恃凜然可懼安南感悟遂歸侵地還奏稱 旨實授廣西道監察御史宣德元年陞行在禮部右侍郎後占城與安南交惡復 命琦往喻之兩國遂和自是西洋諸番有事悉令往焉所至無不欵服四年改湖廣布政使甚得民心後卒於官

蔣驥字良夫浙江杭州府錢塘縣人第洪武庚辰進士擢行人能其官永樂初 成祖皇帝詔文學之臣纂修 高廟實錄驥預焉書成陞翰林檢討 賜白金文綺襲衣已又預修永樂大典爲副總裁 賜楮幣綺帛前翰林學士解公縉出爲交趾叅

議以事逮獄坐連累拘幽者十餘載中局坦然以書史自娛未始有幾微怨懟仁宗卽位宥復前官踰月陞左春坊左司直郎宣宗嗣統之初以宮僚恩遷翰林院侍講宣德紀元奉命祀東鎮洎大禹南宋諸帝陵峻事遂得便省謁其二親本郡方岳重臣及郡邑官僚咸瞻望下風慊然不敢當日椎牛醢酒燕集姻黨榮壽其親歸朝與修兩朝實錄五年書成賚錫循永樂故事尋同考會試得陳詔爲第一復進秩侍講學士會上命左右大臣簡廷臣之才且良者佐六卿授禮部右侍郎蒞職踰二旬得風疾不移時遽卒上聞爲之悼嘆遣使賜祭且給舟歸其喪命有司爲治祠墳驥天性孝友嘗迎司直公就養京



師朝夕起居侍奉備至兄弟三人友愛無間言素善筆札奉

命書烈女傳特被褒賞禮部會試兩爲同考試官時推其公爲人  
美丰儀善談論尤善客所居軒檻清曠几席整潔佳花異卉雜  
植前後客來詠歌觴酌歡如也其雅懷灑落蓋如此年五十有  
三所爲詩文總六卷前後所錄多手筆云

章敞字尚文浙江紹興府會稽縣人永樂癸未領鄉書首薦明  
一年登進士選入翰林爲庶吉士偕狀元曾棨等二十八人續學  
中秘與修永樂大典壬辰冬授刑部主事癸巳命同諸儒纂

輯五經四書及性理大全書成重膺賜賚時近京西山有盜  
肆劫逮捕數百人鞠之多不服敞察其寃惟拘其辭色異者一

人餘悉遣出期異日復至同官爭不可卒遣之明且至如約後  
勘驗其人皆非盜而一人辭色異者卽盜也衆始服其明復有  
商夜宿都城外千戶何氏四人掠其財商疑何欲訟之何不克  
自白乃訴於官而自經死 太宗皇帝聞其故命司捕者三口  
不得盜抵死司捕者乃妄繫何隣近二十餘家別取楮幣如商  
之數而以盜加之敝察其誣辯理之皆得釋丙申轉負外郎階  
奉議大夫尋遷郎中丁外艱起復改吏部考功郎中洪熙初  
賜詔命階奉議大夫丁內艱服除調驗封宜德庚戌擢行在禮部  
右侍郎進階嘉議大夫奉 詔往安南命黎利權署國事暨宣  
詔利遣人白相見禮敝語之曰吾奉 詔命至爾蓋小國一會

長能盡禮於使者卽所以尊敬 朝廷何以白爲利聞卽趨拜  
坐於下令所親給侍左右數爲巧媚辭欲眩以聲色敞正色待  
之終不爲動及還餽贖珍異一無所受利曰假此以將誠爾何  
拒之甚敞曰吾奉 命令爾撫輯一隅以廣 皇上一視同仁  
之恩豈爲賂至耶利乃以所餽物付貢使致之且戒關吏俟使  
者出卽閉關敞付知之及關親閱所貢方物餘悉封付關吏及  
利死復奉 命令利子麟權署國事關吏見曰此天使前却金  
者比還却所贖如初麟不敢更進葢知其不可以利動也 英  
宗嗣位之初平陽王復封晉王卽以故護衛官軍田廬爲請敞  
受 命往命之則較其軍數量以田廬歸之餘給於民王不悅

啟啓曰國中先三衛今止一千戶所以三衛田廬而歸一所之人得無過且朝廷以藩屏望殿下國內軍民宜均愛之庶副皇上至公之意王悟曰使方面諸官蚤有此言吾亦豈敢上煩

朝廷哉還奏上嘉之未幾遷左侍郎啟蒞政思慮精審防範周

密以國家統理天下既久典禮品式有因革輕重之殊事或隨時損益有先後矛盾之異而吏胥亦稍緣此爲奸於是白尚書胡公澱取國初至今凡所行條格集記之付四司使得參酌而行事獲適宜奸弊頓革嘗有黜吏嗜酒怠事且增損公牘卽實於法羣吏自是悚息不敢爲非太醫院每舉醫者人往往假以復怨及微至多弗諳醫啟察知之遂偕尚書奏革其弊比歲僧

道數給度牒輒以千計乃與尚書請依洪武例三歲一給凡僧道出家及舉爲僧道官者止於所居封內不容越籍冒濫四夷貢使日給糜餼庖人每侵尅之敞開之曰小人爲口腹計而使朝廷薄懷柔遠人之禮可不禁乎卽令所司具日給之數付通事者或給不如數乃從而督治自是遠人以爲朝廷待之加厚云於正統丁巳十二月四日卒年六十二計開上遣官諭祭命有司治喪葬爲人性質端厚接人待物意氣豁然關貧濟難尤克盡心在刑部時有同官尤許二人坐累謫戍邊資之甚厚後又汲汲欲拔之旣而許果膺薦爲御史歿又爲經理喪事恤其孤嫠尤旣老遣其子代戍而窮甚乃贈以衣裝金幣且遺書

所親在邊者令周之其輕財重義類如此其問學優裕爲文簡暢所著有質菴稿藏於家

吳廷用字

福建建寧府政和縣人永樂甲申進士授戶科

給事中以内閣楊榮薦陞行在刑部右侍郎宣德九年改行在禮部左侍郎蒞事南京性通敏有幹才不能持正如大理寺少卿戈謙數言事奏其賈直沽名爲清議所薄餘詳南京禮部

王士嘉字

山東東昌府武城縣人永樂元年以國子生授

大同府山陰縣知縣久之以政績陞陝西僉事改工部員外郎歷郎中處事謹飭詳雅一毫不苟宣德中以才識老成薦陞陝西布政司左叅政持身清白無他嗜好不入義外一錢出督都

邑田賦措置得宜人受其惠正統元年以清惠召爲行在禮部右侍郎爲人端重踐履篤實與尚書胡濙並以忠厚稱兩知貢舉防範周悉十年以年老致仕卒年八十餘

王直字行儉江西吉安府泰和縣人永樂甲申進士改庶吉士授修撰歷官少詹事兼侍讀學士英宗嗣位詔修先廟實錄以直總裁書成進禮部左侍郎仍兼學士賞賚如前久之以禮部缺人命出蒞部事宗伯胡濙大喜閩部之政悉付之直處之裕然若素習者八年陞吏部尚書詳吏部

王英字時彥江西撫州府金谿縣人永樂甲申進士改庶吉士授修撰歷官少詹事兼侍讀學士正統三年陞禮部左侍郎仍

兼前職八年癸亥正月奉 旨出理部事講官如故乙丑浙江  
台寧等處民遭疫死甚衆 上遣齋香幣往祀南鎮以禳民厲  
時浙間久旱英至紹興大雨水深二尺灌獻之夕雨止星見明  
日又大雨野沾足人皆喜曰此侍郎雨也布政使孫原貞等  
陪祀請作 御祭感應記刻石於廟而還丙寅奏京師去冬少  
雪今年自春徂夏雨澤不降種不入土小民缺食此皆臣等政  
事不修激怒 上蒼所致伏望 陛下施賑卹之恩臣等宜益  
省愆戒飭仍乞齋沐祈禱以格天心 上從其言果大雨五日  
先是奏請致仕不許至是年七十復上章乞罷政吏部言其精  
力未衰 上是其言不允戊辰八月 上特旨陞南京禮部尚



書卒謚文安詳南京禮部

錢幹字習禮以字行江西吉安府吉水縣人自幼喜學凡所師友者見其文敏而思深且多出腹藁莫不奇其才從學南昌訓導顏子明而卒業於翰林修撰張伯穎永樂六年江西鄉試第一明年會試中第十時車駕幸北京廷試不果由是從遊京師間縱觀聖朝政化之美聲名文物之盛四方萬國謳歌朝覲之會因而才益進九年廷試賜進士入翰林爲庶吉士尋陞檢討叅史職甲辰會試命爲同考八月仁宗卽位一新庶政陞翰林侍讀與知制誥洪熙元年勅同修成祖實錄及仁宗升遐宣宗正大位又勅同修仁宗實錄時

有詔許焚黃承命以往丙午促召還京借太子少保金

幼孜等入見命完修實錄二年春閣命爲同考官三年戊申

元夕賜文武近臣觀燈萬歲山賜宴及文臣賦詩以進

賜之鈔四年八月應天府鄉試命爲考官十二月朔霜寒甚

上命光祿賜在廷羊酒以禦寒曰皇祖考在位每日常有賜

今朕多事忘之汝勿忘五年兩朝實錄成賜金織襲衣銀幣

考禮部會試陞翰林院侍讀學士七年駕過史館有作并賦

招隱之歌以示近臣是時天氣清明聖心悅豫懷賢覽古悠

然天趣之高發見於吟詠於此蓋可見也八月考北京鄉試十

年乙卯春宣宗晏駕英宗卽位二月上宣宗尊號賜白

金秋九月 詔修 宣宗實錄十二月賜文綺丙辰正月改元  
正統大臣建議開經筵 詔可其奏命爲講官三月 上臨軒  
策士命讀卷勞以羊酒賜宴於禮部戊午四月進 宣宗實錄  
上御奉天門慰勞甚至賜白金文綺織金衣襲陞翰林學士賜宴  
於禮部八月應天府鄉試命爲考試官四年充廷試讀卷官六  
年掌院事尋考北京鄉試七年壬戌爲行婚禮賜紗衣紗帽金  
脂香帶等物九年甲子三月大新國學成 上祇謁 先聖躬  
行釋奠禮幸彙倫堂命祭酒司業以書易進講從臣坐聽命與  
其列七月上章乞致仕弗允且降諭天下憲臣及縣令有難其  
任察舉以聞凡舉所知人以爲當十年乙丑禮部春試 上復

命爲考官三月進五倫善蒙賞賚冬十月 欽陞禮部右侍郎  
縉紳往賀之對曰吾今任有司之職矣何以賀爲時 朝廷稽  
古右文事多由禮部兼署吏部事益敬畏不自寧求去益切

詔許之公卿大夫餞送出都門皆有詩乃獨取歸去來辭長歌以  
自快爲人孝友忠信篤於倫誼至姻戚故舊亦無悖於理者在  
位三十餘年以文章議論爲士類所敬樂於教人學者亦樂從  
之遊典文衡者八讀卷者二佳時暇日擇勝往游長篇短章發  
於歌詠以揚太平之盛美及老而歸熙老之堂子孫侍教者十  
五年凡所著述論思聯爲大卷有應制集詞垣藻詞垣續藻歸  
田藁藏於家夫順五年卒年八十九謚曰文肅

冰東日記云禮部侍郎錢習禮吉水大族本亦練子寧疏遠姻  
親一時脫禍而恒爲鄉人所持舉族不敢一吐氣習禮既入翰  
林猶然習禮不可奈何以告建安楊公公一相獨謝畢即以  
事聞太宗欣然曰立賢無方使練子寧今日在此朕故當用  
之耳下令禁之文皇帝之盛德至矣

瑣綴錄云文淵閣本翰林內署非衙門名故凡朝廷之召會  
諸司之文移雖事關機務亦止稱翰林院或稱會同翰林堂上  
官初不以內閣名比年以來則直稱會同內閣大臣而翰林堂  
上官不道从矣後進朝紳之不習事體大率類是冷翰林院外  
署本鴻臚寺舊址建於正統七年而印則造於六年也初落成

日諸學士皆到任錢文肅先生掌印不設西楊南楊二先生公座曰此非三公府也至期二楊以聞乃命工部具椅案胡宗伯定位次二先生始自內閣出就座時論難題文肅然三公所供職則固翰林事也

楊善詳尚書正統十一年右

王一寧字 [REDACTED] 浙江台州府仙居縣人永樂戊戌進士授工部

主事改吏部稽勳司供奉文華殿宣德初改修撰正統五年實錄成進官翰林院侍讀十二年陞禮部右侍郎爲人詠談不羈以射策于譽十四年督湖廣軍餉劾還景泰三年以中官王誠薦入閣詳內閣

章瑾字用欽浙江紹興府會稽縣人父敞爲禮部左侍郎自幼失恃英爽卓立甫十餘歲爲文辭已蔚然宣德丙午其父與吏部尚書趙新同爲吏部郎中趙公見其非常人喜而以女歸之是歲舉順天府鄉試丁未庚戌連試禮部不第癸丑又試名在副榜者命翰林復選得二十四人授冠帶給以所當得之祿俾卒業俟後舉正統丙辰中禮部會試第七廷對賜進士出身觀政兵部踰年以父喪服闋擢禮科給事中時天下亢旱承命祀南海神沛澤斯應數年爲同列所推薦遷都給事中朝廷命定國公徐顯宗持節使蜀命爲副使正統己巳扈從北征得疾留寓中途比還恭遇景帝嗣統拜禮部右侍郎旣而廣東

盜賊竊發命撫廣東兼治羣盜瑾聞楊信民素爲廣州之民信服以誑謫守邊關力言於上起信民爲右僉都御史瑾因疾未行景泰元年卒年四十四後信民至廣東民有被脇從爲盜者聞信民至相率來歸者數千人不負所薦云

儀銘字子新山東萊州府高密人永樂中父智爲禮部右侍郎以恩蔭入大學擢兵科給事中陞翰林編修正統三年陞侍講歷郕府長史正統十四年土木之變英宗北狩郕王即位力贊征伐尋以潛邸舊恩特陞禮部右侍郎景泰初開經筵又命兼經筵官未幾陞南京禮部尚書詳兵部

儲懋字

直隸鎮江府丹陽縣人永樂甲午舉人十二年授



台州府學訓導有學行二十二年擢吏科給事中。正統元年大學士楊士奇選充經筵。陞翰林修撰。三年與修實錄。陞翰林侍讀。八年陞戶部右侍郎。十四年轉禮部左侍郎。爲人端重寬和。士林推重。景泰元年兩京災異迭見。給事中葉盛與都給事中李實等欲革各藩鎮中官。因約羣臣會奏。尚書金濂等皆佯贊可行。無實心會。南京學士周叙言事。中及之。未幾兵部因他奏。一官多民擾。乞將各處公差內外官。自量取回京。有旨內官不動。又數日奏議。及周叙奏有言此。亦有例見行。懋卽揮筆批定。盛因曰。此誠民病。今既有言者。若合辭上請。或可從而衆不能然。識者惜之。二年知貢舉。嚴關防。無私弊。尋陞南京戶部尚

書未任卒於京

李實字

■

四川重慶府合州人正統壬戌進士歷禮科都給

事中時

英宗北狩郕王卽位累進議旨景泰元年六月二十

六日戊戌北虜遣使請和

上御文華殿文武大臣懇請入

往虜中議和奉迎

太上皇帝未允卽命太監與安傳旨

要於大臣中務選如富弼文天祥者遣之禮部以三品以上官

具名封進

上命與安召實問其鄉貫傳

旨曰恁累進章

朝廷素知忠節

上欲遣使虜中如何實曰某雖才識不同適

朝廷多事之秋安敢辭諒亦不辱君命與安忻然入內復諭有

旨陞實兵部右侍郎做正使羅綺陞大理寺右少卿做副使及二

十八日進本討馬疋等物欽改禮部右侍郎七月初一日早辭  
上御左順門召實等 面諭曰你每去脫脫不花王也先那里勤  
謹辦事好生說話不要弱了 國勢賞銀三十兩并衣服一套  
綵段三表裏領資達達可汗太師也先阿剌知院勅書三道及  
各人銀三百兩綵段二十四表裏本日同虜使參政完者脫歡  
及侍郎人等五人共二十一人起行宿榆河驛 上命光祿寺  
酒飯初二日居庸始償鈔辦酒席管待使臣初三日宿懷來衛  
仍辦酒席管待初四日至懷來賦詩云曉出懷來望北行西風  
吹拂馬蹄輕虜管迎復吾 皇駕會見生民享太平本日過長  
安嶺賦云盤旋會上長安嶺誰覺驅馳路轉賒遙憶 上皇經

過日幾番回首望京華過雕堡一十里乏馬一疋宿荒初五日  
天曉忽有達賊二千一人各張弓執刀一人仗劍衝入帳邊完  
者脫歡急與打話詢知可汗所差尚書阿魯木等先送使臣皮  
兒馬黑麻赴京奏事在彼等候阿魯木等爲作禮送二十里而  
別賦云胡騎長驅人帳來張弓仗劍怒如雷譯知兩國通和好  
長笑一聲作禮回同口過雲州夜值雨過赤城溫泉口四十里  
宿荒被盜去馬三匹初六日過獨石衛遇也先人馬駝軍運糧  
有感賦云道征獨石停征騎世事皆非實可傷守將肆貪營第  
宅近臣徒力保邊疆人家已盡將兵火倉廩猶存助敵糧回首  
具封希上旨用懲有罪表忠良相離城北五里宿荒虜人喜

悅勸飲乳酪其夜被盜去馬六疋初七日過種帽山二十里賦  
云萬里窮荒極遠遊風涼露冷正高秋山川野宿渾忘險飲腹  
腥羶笑解愁駝馬連營轉饋餉大羊夾道喜歌謳虜酋悔過重  
朝貢早奉 鑾輿復帝州初八日過興和衛東海邊宿棍兒砦  
卽海子初十日宿失刺失箔禿卽也先邊塞營中逸下程羊二  
隻十一日至也先營中地名失八禿兒與也先并伊婦開讀勅  
書畢也先曰 大明皇帝因何差你每答曰自太師祖父以來  
至今日朝貢 朝廷三十餘年你使臣進馬徃徃待以厚禮遇  
以重恩近以奸臣王振擅權減少馬價以致太師動兵邀留

太上皇帝駕搶掠人民殺害軍馬今阿知院上答天道下順人心

奏知可汗稟知太師特念前好同差恭政完者脫歡資文赴京  
以求和好因此差我大臣資送賞賜給與太師并可汗阿剌知  
院以全終始依舊遣使往來也先曰這事只因陳友馬清馬雲  
小人上是非所以動兵小事做成大事我實心送 大明皇帝  
到京你無不差大臣出城迎接我着張關保姚謙去奏又將他  
殺了因此上又搶了良鄉涿州一帶人馬實曰太師既是送  
駕軍馬不由關人漫山而來肆意搶掠不過假名送 駕耳 朝  
廷不能無疑况又分兵各門廝殺姚謙張關保願爲使臣却使  
達達百餘人各張弓矢謂之亂箭不知二人爲使臣也先曰  
說的是又曰又差謂之花六人赴京奏事何故又不放回因此

上又捨了大同寧夏一帶人馬實答曰太師軍馬南侵父被害者子爲報仇兄被擄者弟爲報仇人皆樂爲從軍今南朝沿邊關口軍馬多者十餘萬少者六七萬極少者亦有三五萬各奮勇欲報君父之仇且軍士獲一首級卽得陞賞太師雖差使臣若無南使同行或被兀良哈達子或被守邊軍殺戮以圖陞賞復又曰差李貴我着送大同城裏因何亦不放回實答曰近時夜不收報說哨到大同東邊離城八里見有殺死身尸四五十人拾得荷包一箇內有文書一紙稱是太師差來奏事人不知未審虛的想被守邊軍士殺了并不見一人到京 朝廷如叅政完者脫歡等到京奏事重加賞賜禮待筵宴又差我每同來

兩國講和必資使臣以通其情豈肯殺害自絕其路也先然之  
又曰我差喜寧奏事何以殺了實曰喜寧自幼及長累受朝  
廷恩寵加厚於人托爲心腹今齊執金帛迎取上皇却引領  
太師人馬搶掠京師復寇寧夏朝廷已將喜寧明正典刑凌  
遲三日以爲將來不忠之戒也先喜而言曰是我亦知道又曰  
大明皇帝與我是仇人自領軍馬與我廝殺天大的氣候落在我  
手裡衆人教我害他我再三不肯他是一朝人主我特着知院  
伯顏帖木兒早晚恭敬不曾怠慢你每捉俺我留到今日麼明  
日引你去見實答曰此是太師仁厚之心也先曰你每來的好  
我正歡喜料得你每事務成就了若不來呵我每七月十五日



人馬到北京也先把酒曰路上辛勤可飲數杯飲畢出令平章尚書人等送壯馬一疋宰之爲下程十二日差頭目人等賚達達可汗并阿剌知院勅書賞賜分頭前去同日差平章人等引實三十里見上皇同少卿羅綺指揮馬顯共進紵絲四疋粳米魚肉煤炒燒酒器皿等物實泣下行禮畢惟見校尉表彬軍餘劉浦兒僧人夏繡三人侍左右上所居者皮帳布幃席地而寢牛車一輛馬一疋以爲移營之具上曰比先我來非爲遊獵私已之事乃爲天下生靈躬率六軍征討迤北不意被留在此實因陳友王振馬雲馬清所陷也先實有意送我回京被喜寧引路先破紫荊關以爲殺入馬圍京城喜寧不肯送回後至

小黃河也先欲送回又被喜寧阻住在乾河又要送回喜寧阻住喜寧已凌遲了陳友不要饒他 上問 聖母及今 上安否實奏曰安問舊臣一一道其姓名甚悉 上曰我在此一年因何不差人來迎我回你每與我將衣服冠帶靴帽來否實奏曰 陛下蒙塵羣臣及天下生民如失考妣但虜中數次走回有言見 陛下者有言未見 陛下者言語不一又四次差人來迎俱無回報難知有無因此特差臣等來探虛實不曾有衣服帶來 上曰你每回去上覆 當今皇帝并内外文武羣臣差人來迎我回我情願看守 祖宗陵寢或爲百姓也好不來接我也先說令人馬撥邊十年也不休我一身不足惜 祖宗

社稷天下生靈爲重實詢知也先每五日送牛一隻羊一隻送  
上以爲所食殊無米菜實奏曰昔陛下錦衣玉食觀今服食惡  
陋不堪有大米數升欲進上曰飲食之類小節與我整理大  
事實奏曰王振一宦官耳若何寵之太過終被傾危國家以致  
今日蒙塵之禍上曰王振無事之時人皆不說今日有事都  
歸罪於我我亦知此人將壞大事不能去之今悔莫及時伯顏  
帖木兒適來歷言其故亦如也先之辭上賜酒卽畢上命  
至帖木兒營中烹羊與伊婦把酒勸飲復回見上復命次議  
大事實以上昔任用非人當引咎自責謙退避位之理忠言  
正道懇切應對上喜從之曰暮深有不忍之情欲留宿館伴

者促歸不果賦云重整衣冠拜 上皇偶聞天語甚淒涼腥羶  
充腹非天祿草野爲居異帝鄉始信奸臣移國柄終教胡虜叛  
天常只今天使通和好翠輦南旋省建章歸宿也先管中送下  
程羊二隻十二日也先宰馬備酒相待令十餘人彈琵琶吹筚  
兒按拍歌勸酒曰你每來時心裏可怕麼實答曰自古敵以禮  
爲上欲要講和必命使臣以通兩國之情途中遇賊寇躬冒危  
險尚無所怕今到太師營中便如一家何怕之有也先喜而然  
之且曰有理的不怕無理的怕也先曰你每認的 上皇可想  
他麼實曰爲臣盡忠爲子盡孝君父之恩豈可忘乎我每之思  
上皇卽太師之思可汗耳也先曰然既是思想何不取回實答曰

所延四次差人賚金帛太師皆不發既是肯着我奉迎回朝自有厚禮給賞不輕也先曰大明皇帝勅書內只說講和不曾來接駕今大明皇帝留在這裡又做不得我的皇帝是一箇閑人諸事難用我還你每千載之後只圖箇好名兒你每回去奏知務要差太監一二人老臣三五人來接我便差人送去如今送去呵輕易了你每皇帝了再三言之不可待酒畢送下程羊三隻十四日與也先作辭備酒曰如今我差一人你每議一人去大同調回山西一帶擾邊人馬也不勸一苗差來接駕的來約至八月初五日實答曰差人奏請皇帝聖旨我每豈敢約期也先曰初五日不來你每邊上人吃苦了再三不與定

約若來遲呵着差去兩箇達子同兩箇漢人要初五日先到回報止差使再遲三五日亦可若不差人來軍馬撥邊又說我每失信勉強與決各送馬四疋貂鼠五十三箇同實等赴京奏事進貢本日往辭上皇時伯顏在側上再三叮嚀迎復之事惟恐來遲就出書三封令實賚回上曰來時冠帽放在宣府便服隨身帶來路程遙遠勿辭辛勤當以天下國家蒼生爲念賜酒卽畢令伯顏帖木兒仍同伊孛把酒曰大人回可着人早來圖成大事我每也要回去了實曰皇帝在此多蒙恭敬奏知朝廷給賞慰勞送馬一疋復辭上皇上皇曰你回上覆聖母太后上覆當今皇帝也先所欲者非要土地非要歲幣惟要駝龍

并織金綵段等差人早早宵來實領命泣下辭起程行二十里宿荒送下程羊二隻十五日中途遇午送下程羊一隻宰之宿刺失箔禿兒送下程羊二隻當夜二更過瀆麻嶺山宿荒十七日宿西陽河口入關至萬全左衛食午飯宿宣府見彼處軍民出郊採打柴草收割黍粟搬運木料人皆歡說生意殊盛十八日會總兵等官驗馬造冊差人奏報仍宿宣府十九日過土木右丞把禿馬上指顧曰 上皇在此被拘南朝徒有人馬衆多不能戰實曰中國人民多如草芥土木失利出於不意不可以爲常理有盛有衰有隆有替把禿曰亦非我每勇力乃是氣候又曰元世祖未得帝時與敵國戰后遣使臣往敵國遺針一袋

羊毛一袋世祖怒謂彼處銳兵多如此針戰馬多如此毛遂與  
二子并頭目往征之后諫不聽後果滅敵國回至中途世祖病  
故載尸回還后曰二子不聽我諫敵國雖滅汝父不得復生二  
子告天世祖卽甦後滅金卽帝位二十餘年人馬固多不足恃  
實答曰昔項羽號霸王善調軍馬英雄蓋世漢高祖寬仁大度  
信任豪傑與項羽戰七十二陣高祖皆敗厥後高祖一鼓而擒  
之霸王遂滅有漢四百餘年天下此無他霸王荼毒生靈天怒  
於上人怒於下無故興兵乘隙搶掠上天豈不厭之耶把秃咬  
指仰天嘆曰大人言者大道理本日宿懷來時在京運糧二萬  
石至軍士皆悅道 朝廷差都御史楊善侍郎趙榮同虜使平



章皮兒馬黑麻同知哈齊等一齊議和實將虜中與也先應答之辭及一應事情并奉迎上皇之意備細說了使彼無訛以全終始二十日少卿羅倫尚書士現罕魯自大同俱至說大同人馬共六千七百時一千圍朔州等處俱令回軍民俱出外採打柴草實別把禿等預先回京奏事過居庸關遇長隨陳瑒賚勅書實等并將虜使騎坐馬疋留在懷來喂養先已將馬疋并各人懸帶弓矢俱留宣府就領勅書齊回過榆河驛宿朝房二十一日早復命上御文華殿召實賜問曰也先有甚說話實悉陳前辭又問太上皇帝如何說實拜首奏曰上覆陛下備陳太上皇帝旨皆無遺上曰也先請和之意虛實如

何實對曰臣入番境彼處虜人舉忻悅夾道謳歌沿途乳酪勸臣飲之咸願和好蓋因彼處人馬相繼病死又因離家年久論其和意似有實情但也先萬一變詐非臣可知望陛下處置上田一路辛勤驚恐賜鈔三千貫羊二隻酒十甄命太監李三於文華殿前右廊下待酒飯二十二日少卿羅綺同右丞把禿等到京進貢朝見二十三日把禿等奏討使臣上不許五府六部數上章請遣使亦不許二十五日實進奏其略曰臣竊謂先差臣等未嘗爲迎上皇專爲講和今已事完其欲差人迎復定約日期出也先之口臣特傳說虜情伏望陛下如羣臣之請另差有能大臣奉迎上皇雖虜變詐不測亦可塞彼無

辭倘不差人去則直在彼而曲在我臣若不言恐日後復差人  
僉必曰臣實可差臣自揣違期失約自不敢去若另行差人不  
可去臣固不敢去人亦不可去則彼此猜疑猜疑則和議不成  
和議不成則上皇終不可復干戈終不可息邊鄙終不可寧  
臣頗知虜情不懼斧鉞昧死爲陛下備陳乞早賜乾斷天  
下幸甚謹具以聞伏候聖旨當日於奉天門奏奉聖旨也  
先使臣明日回趕上楊善來再定奪卒之上皇回鑾雖楊善  
之力而實不辱君命其功亦不可泯未幾陞右都御史出撫湖  
廣見湖廣巡撫

鄒幹詳尚書景泰二年右天順元年左

陸琦字

福建福州府閩縣人宣德庚戌進士 宣宗詔楊

溥簡庶吉士入讀中秘書取琦第一命太和王直教之爲人耿

介學有源委正統元年授翰林院編修預修 宣廟實錄三年

陞本院侍讀景泰三年缺禮部右侍郎時易儲之議漸萌太監

宋 疏於 上令閣下曰可用學士爲之大學士陳循舉學士

劉鉉以進時江淵不悅鉉乃退與內侍議曰鉉素不能幹事不

可用乃薦琦陞禮部右侍郎兼詹事府少詹事衆多鉉之正云

五年卒於官

姚夔詳尚書景泰四年在天順元年左

蕭聰字孟奎江西吉安府泰和縣人宣德癸丑進士授刑部主

事歷禮部祠祭司郎中天順元年以練達典章舉止老成進禮部右侍郎本年調南京吏部右侍郎謫湖廣叅政詳南京吏部章綸字大經浙江溫州府樂清縣人正統己未進士授南京禮部主事景泰初陞禮部儀制司郎中 英宗復辟陞禮部右侍郎尋爲石亨楊善所短調南京禮部詳南京禮部

李紹字克述江西吉安府安福縣人自幼失怙有立志年二十領宣德丙午江西鄉薦癸丑會試中經魁 廷試賜同進士出身觀刑部政是歲奉使雲南歸過 宣宗皇帝銳意儲才合臨御以來三科進士數百人拔其尤者應二十八宿爲翰林庶吉士俾積學以俟大用優禮給賜一循永樂甲辰之典仍 賜御

製詩以示勉勵乙卯英宗皇帝嗣位擢翰林檢討與修宣  
廟實錄爲檢閱校正正統戊午書成賜白金文綺加祿秩并  
賜宴西苑己未以刺負賜歸鄉里期年大學士楊士奇臥病  
英宗遣內官詢人才舉紹等五人以對召復任充經筵官丙寅  
丁內艱己巳服闋之官踰月滿九載陞修撰是秋北虜寇邊六  
師敗績於土木朝士多遣家南徙紹曰王辱臣死奚以家爲卒  
不遣庚午景泰紀元兼經筵講官辛未同考會試壬申陞司經  
局洗馬兼修撰甲戌壬考會試兩持文衡去取公當士論翕然  
推服尋奉命祀南嶽舟至洞庭阻暴風爲文禱於神俄頃風  
息舟行無虞丙子預修寰宇通志成賜白金綵幣進右春坊

右庶子兼翰林侍講天順丁丑改尚書司卿兼侍講尋掌院事  
冬陞學士 賜二品金織衣戊寅奉 命與諸學士更番侍講  
讀於文華殿時禮部郎中李和托一釋子囑權近求爲禮部右  
侍郎士論紛不平 上密訪學士李賢尚書王翱俱不許各薦  
紹 上喜曰朕知此人久矣次早諭吏部陞禮部右侍郎聞者  
爲之驚喜及卽任公卿往賀尚書王公翱舉酌曰天選侍郎也  
蓋以前此倖進者多 旨授故云已權貴不平伺間譖其奏事  
多南音 上曰大臣以德選何以聲音爲是年國子祭酒陳詢  
致仕去吏部舉翰林二人未用乃請命兼領之 上謂王翱曰  
禮部不可無此人其別選代之翱退與同列曰我不知李侍郎

見重於上如此已卯夏四月賜諸大臣遊西苑且命內臣陪宴盡歡中有醉失儀者紹執禮益恭謹歸復爲文記之癸未會試知貢舉防範慎密一洗場屋宿弊有怙勢請托者却之弗顧甲申憲宗卽位令翰林纂修英廟實錄命爲副總裁越二年成化丙戌書垂成占微疾卽上章力求解任上察其誠許暫歸俟疾愈復來歸疾愈足跡不履城市或諷之曰疾愈矣何不出耶紹曰吾老矣出將何爲辛卯春國子祭酒爲其屬所構去天官姚夔議曰國子監成賢化俗之地官不重不足以隆師道然官之輕重係乎人今必得學行老成有名望如李紹者居之則師道立矣乃援洪武初起致仕尚書劉崧署司業例起



爲祭酒疏入。上卽日降勅遣人乘傳之命未及門而卒體貌  
豐偉識見明敏刻苦問學少壯至老未嘗一日去書不觀自六  
經子史下至地理醫卜方技之書靡不精究聞四方有異書及  
古碑文字必構求之故積書甚富其爲文力追古作規矩嚴謹  
有得於歐爲多其字畫出入晉唐間叅以蘇長公之剛勁奇逸  
自成一家與人論文評書必先法度見人制作稍不合則曰是  
無師承不足觀也祭後進有志於學者獎掖稱譽惟恐不至處  
僚友以誠勸善規過言直意盡雖衣冠不正舉止失度亦必告  
焉其愛人以德如此平居以經濟自任通古今興廢之故達政  
治弛張之宜叅稽辨析竦人聽聞其或先事計成敗與逆料人

之情僞驗之日後百不失一。二居官以文字爲職者二十五六年纂述考校恒盡心不苟典禮八年一以正道輔其長遇吉凶大禮斟酌損益同列無不讓能始爲檢討卽以剛直得名楊文貞公深加器重比寢疾英宗遣內侍詢人才文貞舉紹輩五人以對當時雖未及用而巋然負公輔望自是始矣

葉盛字與中直隸蘇州府崑山縣人弘治乙丑進士授兵科給事中歷都察院左僉都御史巡撫宣府有政績識者屢薦其學行可入閣大學士李賢銜之成化三年李浚召爲禮部右侍郎與尚書姚夔並以文學見重於時至崇道誼尚名節言動思歧古人爲世名臣云五年改吏部左侍郎卒謚文莊詳吏部

萬安字循吉四川眉州人正統戊辰進士改庶吉士歷詹事府少詹事兼翰林院學士成化五年陞禮部左侍郎兼翰林院學士初詹事李泰爲內臣養子安專與相結爲腹心內閣闕人且欲用泰泰推安故安得先入詳內閣

邢讓字遜之山西平陽府襄陵縣人正統戊辰進士改庶吉士授翰林院檢討考績陞修撰爲人剛直不阿尚氣槩景泰元年北虜遣使請和奉送英廟還京上屢以虜情多詐爲疑及回使多不具迎復事讓上奏首以前次勅書不具迎復上皇之意爲言衆服其剴切會英廟復辟命與修大明一統志成化二年陞國子監祭酒作興學校與司業張業鬼故實纂

國子監志刻石記之五年陞禮部右侍郎七年以費用國子監會饌錢鈔無歸着除名

雷復字

湖廣寧遠人正統丙辰進士天順四年任廣西副

使分巡蒼梧道時藤縣民胡趙成構集夫藤峽搖賊攻陷縣治荼毒一方復承巡撫葉盛檄同廣西左叅將范信都指揮韓瑄督指揮張錦等討之擒斬成等三十五名類奪回掠去印信五年陞山東左布政使七年陞禮部右侍郎八年改右副都御史巡撫山西十年卒於官

劉吉字祐之直隸保定府博野縣人號約菴正統戊辰進士選庶吉士尋授編修景泰元年庚午充經筵官預修君鑑七年

再修寰宇通志成陞修撰天順丁丑英宗復位命祀漢唐諸陵已卯預修大明一統志庚辰鄭世子及涇陽王以事召至

命侍講讀時憲宗爲皇太子因命侍講讀於青宮癸未丁內艱

成化元年修英宗實錄起復至以古舊官僚進侍講三年丁

亥實錄成陞侍讀學士仍充經筵官侍講讀賜金帶等物

五年己丑擢禮部右侍郎八年壬辰轉左侍郎明年夏旱遣祀

東嶽等神十一年乙未始詔以本官兼學士入文淵閣叅預

機務詳內閣

尹直字正言別號審齋江西泰和縣人景泰甲戌進士改翰林

院庶吉士丙子五月除編修成化丁亥實錄成陞侍讀壬辰陞

特讀學士乙未陞禮部右侍郎丙申以父憂歸詳內閣

俞欽字振恭浙江紹興府新昌縣人景泰辛未進士選庶吉士  
癸酉授禮部儀制司主事儀制務繁縟欽才瞻學充通悉今古  
事無留滯天順戊寅遷郎中壬午以郎中績最當加封其父於  
時祖尚在堂疏乞移封 上嘉之特賜其祖冠帶欽秩方五品  
而褒及於祖寔曠世殊典癸未會試試院火左遷同知松江府  
欽益更盡力流任未久民頌而懷之甲申改兵部武選司郎中  
成化丁亥川貴山都掌蠻及九姓土獠爲寇從大司馬程公信  
徃征之議者皆以爲不如姑犒糜之欽獨籌其可克且曰不一  
振威無以杜後患况 上命亦安可中廢程用其議率衆決進

破二十餘寨斬獲無數蠻寇悉平丁亥師還陞太常少卿太常所隸神樂道流托權貴濫進因奏定其額壬辰歲早奉命禱祀淮瀆之神還擢禮部右侍郎朝章故典素所明習凡國家大禮事處之井井有條乙未陞左侍郎賜誥進階通議大夫丁酉歸省還京戊戌皇太子出閣加冠詔有司議定禮儀乃參酌備具朝廷采行之有白金文綺之賜是歲進階正議大夫資治尹庚子遭父憂去職詔賜葬祭壬寅冬服未闋詔起兵部左侍郎詳兵部

周洪謨詳尚書成化十四年任右十六年改左

謝一夔字大韶江西南昌府新建縣人天順庚辰狀元膺傳之

且哀然衆中縉紳屬目大學士李文達公賢尤喜得人除翰林院修撰 憲宗嗣統進侍經筵被賞賚預修 英廟實錄據事直書得史官體二年同考會試及實錄書成陞左春坊左諭德加 賜銀幣繼修續通鑑綱目時預修者僅十有四人一夔分修元史凡所褒貶一依朱子書法多正前史之謬十三年史成進御陞翰林學士宴賚有加尋命主考南畿鄉試鑒別精明得士最多嘗因辛卯星變上疏陳五事一正宮闈以端治本二親大臣以詢治道三開言路以弭壅蔽四慎刑獄以廣好生五戒妄費以足財用言多剴切 上怒責之十四年戊戌 皇太子出閣 詔簡侍讀庚子陞禮部右侍郎凡制度儀文多所裁定



前所未有者必稽經據史參以時制具爲儀注務使可行一時同事者咸推其練達二十二年遷工部尚書詳工部

徐溥字時用直隸常州府宜興縣人景泰甲戌進士及第第二名授編修天順元年丁丑兼司經局校書侍 東宮講讀成化紀元歷左庶子兼侍講充 經筵官兼纂修 英宗實錄五年

陞翰林院學士丁憂十年甲午陞少詹事兼侍講學士十一年乙未主考禮部會試十三年丁母憂十六年庚子陞太常寺卿兼學士掌院事十七年辛丑再典會試陞禮部左侍郎在翰林不以文學名歷部事安靖以和處察屬二十二年改吏部二十三年入閣詳內閣

倪岳見尚書成化二十三年右弘治元年左

黃景字

江西瑞州府上高人成化己丑進士授禮部主事

歷員外郎有辯才善結權貴十九年奏事稱旨陞通政司左

通政二十三年以附道士李孜省又比大學士萬安特陞禮部

左侍郎弘治元年被劾致仕正德二年謫戍燉煌宥還而卒

張悅字時敏直隸華亭縣人天順庚辰進士自少疑靜持重授

刑部主事歷員外郎朝士有囑其所親者曰不敢撓公法但乞

假一辭使知某嘗有言耳訖事問之曰其人無大罪既據法施

之矣敢言以市恩聞者歎服未幾陞江西僉事持大體不事苛

察專改浙江提學始以糊名校士尋去之曰我聞南疑人誰信

我請託覬覦屹不爲動而士皆帖服無敢干以私者所獎拔或  
出所進往往取魁甲爲聞人衆神其明而莫測其所爲用成化  
十四年陞四川副使十五年進湖廣按察司使甲辰入覲時由  
官尚銘在東廠任事衆羣趨其門悅獨不往銘銜之伺察無所  
得未幾銘敗而其名益彰二十二年進都察院右僉都御史二  
十三年陞工部右侍郎 孝廟嗣登大寶在朝大臣相率上疏  
求去位悅獨不可曰更新之始正當竭心報國豈可以去言耶  
弘治元年遷禮部右侍郎悅平居謹畏無疾言厲色至臨事卓  
有定見不以恩怨利害動其心二年改吏部右侍郎詳南京兵

部

周經字伯常山西太原府陽曲縣人天順庚辰進士選庶吉士  
文名欵起與劉公健張公元禎俱爲大學士李文達彭文憲所  
重而端諒正直經又隱隱於縉紳間壬午授翰林院檢討成化  
三年陞本院編修十二年陞本院侍讀十四年進左春坊左中  
允仍兼修撰侍 皇太子講文華大訓 皇太子每起立拱聽  
在翰林春坊者幾三十年史局編摩貢闈考校皆舉其職至於  
啟沃 青宮尤多規正及 孝宗蒞極同事者俱進崇秩經以  
持正止陞太常寺少卿兼侍讀識者已知其文學骨鯁而未盡  
知其政事弘治己酉擢禮部右侍郎四年改吏部詳戶部  
費閻字廷言直隸鎮江府丹徒縣人成化己丑禮部會試第一

選庶吉士授編修丙申充經筵官丁酉遷國子司業丁未轉左  
諭德仍理司業事弘治元年陞祭酒 孝廟初開經筵充講官  
車駕視學 賜坐講筵倫堂閣講商書惟天聰明惟聖時憲惟臣  
欽若惟民從義 上諭曰六經載聖人之道講明體行務臻實  
效爾師生其勉之褒諭宴賚士林榮之二年直日講改少詹事  
兼侍讀修 憲廟實錄三年書成進詹事兼侍讀學士越月擢  
禮部右侍郎卒年五十有八閭長身偉貌議論疊出臨事通變  
慷慨且恭謹自持人恒以公輔期之其在國學最久士子多所  
造就在禮部亦多持謹人惜其不及大用云

徐瓊詳尚書弘治六年左

傅瀚詳尚書弘治六年右九年左

張昇詳尚書弘治九年右十二年左

焦芳字孟陽河南南陽府泌陽縣人天順甲申進士改庶吉士  
成化元年授翰林院編修十年陞本院侍講十九年陞侍讀學  
士時太宰尹旻在吏部久權勢所趨又子龍爲侍講遂深相結  
納以擠南人且席其勢要市於人爲清議所斥二十二年尹敗  
大學士萬安惡之坐比尹降桂陽州同知弘治初年遷霍州知  
州歷四川湖廣提學副使五年上疏奏辯請雪其愆陞南京右  
通政本年丁憂八年補原職再以憂去十一年起復召入爲太  
常寺卿兼侍講學士十二年陞禮部右侍郎十五年轉左十六

年改吏部左侍郎詳內閣

李傑詳尚書弘治十五年右十六年左

王華字德輝浙江紹興府餘姚縣人成化辛丑狀元及第授官翰林院修撰甲辰 廷試進士爲彌封官丁未充會試同考官

弘治改元與修 憲廟實錄充經筵官己酉秩滿九載當遷聞竹軒疾卽移病不出癸丑服滿陞右春坊右諭德充經筵講官嘗進勸學疏 上然其言自是御講日數丙辰三月 特命爲

日講官 賜金帶四品服四月以選正人端國本公卿會舉爲東宮輔導戊午三月又 命兼 東宮講讀於是 眷賜日隆是

歲奉 命主順天府鄉試辛酉主應天鄉試壬戌陞翰林院學

士從四品俸尋命教庶吉士魯鐸等繼又命纂修大明會

典踰年書成陞詹事府少詹事兼翰林學士五月復命與修通

鑑纂要六月陞禮部右侍郎仍兼日講上以華講釋明瞻故

特久任是歲冬命祭江淮諸神乞便道歸省還朝以岑太

夫人年邁屢上疏乞休以便色養上不允尋陞禮部左侍郎

明年武宗皇帝改元賊瑾用事奔走其門者如市華獨不之

顧時元子守仁方爲兵部主事上疏論瑾罪惡瑾大怒旣逐守

仁復移怒於華然瑾微時常從鄉人方習書史備開其平日處

家孝友忠信之詳心敬慕之怒稍解嘗語人謂於華有舊諷若

一見內閣之位可立躋華不行意漸拂丁卯正月遂陞南京



吏部尚書詳南京吏部

劉機見尚書正德元年右

張濬字仲湜廣西桂林府全州人成化戊戌進士選庶吉士授

編修弘治己酉年轉侍講戊午充東宮講讀官辛酉王考順

天鄉試十二年進侍讀學士十八年陞學士尋遷國子監祭酒

正德元年擢禮部右侍郎二年轉左己巳陞南京禮部尚書詳

南京兵部尚書

白鉞詳尚書正德二年右

費宏詳尚書正德二年右四年左

靳貴字道充直隸鎮江府丹徒縣人弘治庚戌會試第二廷試

第一甲第三及第授翰林院編修弘治丙辰皇太子將出閣講詔選正人以端國本戶部尚書侶鍾以貴名上遂兼司經局校書未數日宮僚環侍皇太子獨指貴問左右曰非靳先生耶固已自屬之孝廟幸講所尤加獎異有文綺玳瑁帶之

賜庚申進右春坊右中允癸亥會典成進左春坊左諭德兼翰林侍講貴每侍講筵敷奏雍容儀觀修偉重瞳屢回武宗登極以舊學歷太常寺少卿兼翰林院侍讀充日講是歲范夫人卒戊辰服闋還職尋掌翰林院事授庶吉士業正德四年進禮部右侍郎時逆瑾盜政常因事諷貴密書翰林官殿最以進貴不從諭之時翰林多外遷貴亦左遷爲光祿寺卿已乃復舊庚午

改吏部詳內閣

李遜學見尚書正德庚午擢戶部右侍郎提督太倉尋改禮部  
壬申陞左侍郎詳詹事府

毛紀見尚書正德五年左六年下憂

吳儼字克溫直隸常州府宜興縣人成化丁未進士選庶吉士  
授編修丙辰充經筵講官 武宗出閣兼司經局校書與申轉  
左中允辛酉進侍講學士掌南京翰林院事正德丙寅召修

孝廟實錄充經筵日講官兼修玉牒丁卯典順天鄉試時逆瑾恃  
寵招權儼於第二場以爲臣不易命題瑾心已惡之會儼擅娶  
經選掖庭女子瑾益振怒是歲朝 覲考覈傳 旨罷之瑾誅

復職六年陞南京禮部右侍郎七年改北十年陞左侍郎十一年擢南京禮部尚書詳南京禮部

石珪字邦彥直隸真定府藁城縣人成化丁未洞泥玠登進士被簡爲庶吉士弘治己酉授翰林院檢討與修大明會典同考禮部會試少師李文正每曰諸後進可託以柄斯文者其石氏季方乎辛酉充經筵展書官乙酉滿九載遷修撰同修宗實錄正德丙寅武宗初開經筵充講官賜宴及銀幣尋遷南京翰林院侍讀學士己巳擢南京國子監祭酒庚午改北監尋陞南京吏部右侍郎乙亥改禮部丙子轉左平詵兼翰林院學士掌院事十二年改掌翰林院事詳內閣

王瓚字思獻浙江溫州府永嘉縣人博學雄文下筆數千言不  
滯弘治丙辰進士授翰林院編修十三年丁憂十六年補原職  
正德二年陞本院待讀三年陞國子監司業五年陞南京國子  
監祭酒六年南京禮部移文本監撰述慶賀 皇上尊慈聖康  
壽太皇太后慈壽皇太后表文瓚以非奉旨意不敢撰述答之  
部復查有成化二十三年舊規本監乃與南京翰林院公同撰  
述八年改國子監祭酒爲人坦直未嘗歛怨北監諸生愛戴之  
十一年尋陞禮部右侍郎十二年轉左侍郎十六年以議大禮  
調南京禮部左侍郎嘉靖元年丁憂卒贈禮部尚書詳南京禮  
部

顧清字士濂直隸松江府華亭縣人生而穎異九歲從友蘭張  
先生受小學過目成誦繼受詩於涇府長史怡菴任先生一見  
卽奇之字以甥女十五謁張莊簡公公以元老負重望卽衣  
冠出見退語人曰大器也弱冠遊縣庠與錢太史鶴灘先生福  
沈惟馨先生悅交最厚奮志於學鑽研討論廣閱羣籍而業日  
進三人者藝皆頡頏而清獨以沈實識者占其遠到尤爲督學  
司馬公堊所器重每期以公輔家本儒素值歲稔有常情所不  
堪者而清安貧固守有富家欲結納清書座右曰毋徇物而爲  
所溺毋狎物而爲所乘自少立志已如此四試不利而不少挫  
弘治壬子吳郡王文恪公主南畿試事閱清文曰昔歐陽子謂

當讓蘇子瞻一頭地斯人也我固當讓矣遂薦爲第十輿論允  
愜明年癸丑長沙李文正公主會試名第二廷試吳文肅公爲  
掌卷官或欲導公往見清辭曰昔人所謂呈身者吾愧之竟不  
往洎吳得清卷極力贊美以丸重字失提真二甲第一改翰  
林庶吉士讀書中秘時傅文穆公與李文正公宗伯程公敏  
政皆負文章重名慎許可公每試必在甲乙亟加歎賞清與同  
年毛文簡公澄羅文莊公欽順汪宗伯俊四人每以名節自相  
砥礪十月授編修與修大明會典丙辰己未連同考試稱得  
人戊午秩滿進文林郎癸亥正月丁內艱三月以會典成進侍  
讀正德初還朝與修孝廟實錄書妖人李孜省事焦公芳與

彭文思公有隙欲誣其附以得進貽公以風聞書清云據實直書吏職也他不敢與聞焦不能強中官蔣琮誣逐臺諫涉歷既久章疏雜沓時逆瑾方熾僉輿觸其黨莫敢涉筆清潛披精核盡載其實有嫌而欲節畧者清不爲動丁卯壬南畿鄉試尋充經筵講官前後進講義必稽古兼規諷時政辭旨剴直多所裨益逆瑾竊柄朝士多屈意與交清抗不爲禮鄉人張文憲用事附和者皆至羨官清絕不與通有言清肯在與刺卽高位可致清叱曰吾足可輕動乎且吾但知做吾官而已邊知其他戊辰十月丁外艱已巳五月實錄成例當進秩瑾術諸翰林素不加禮因矯詔追論會典事以不諳政事爲名降編修尋調南宮其



部車駕司員外會憂不赴庚午八月瑾誅還侍讀辛未五月陞  
侍讀學士兼修玉牒甲戌主武舉考試乙亥掌院 詔同內閣  
輔臣照例考察上疏辭免不允九月有文綺之 賜十一年丙  
子四月秩滿進奉直大夫尋陞詹事府少詹事兼翰林院學士  
充經筵日講官丁丑主考會試防範嚴肅校文崇雅黜浮得士  
爲盛奉 命教庶吉士陶鎔造就一時出門下者若江右舒芬  
南廣倫以訓建康陳沂貴溪汪佃關中馬文簡汝驥至今稱爲  
一代名流又嘗教內書堂不結生徒不使與子弟相接常曰此  
輩如穢物遠之猶恐其汚况近之也餘姚謝文正公每稱其臨  
事有守以此時 儲位尚虛公疏請預定不報 武宗數巡幸

公屢疏請回鑾言甚切是歲六月陞禮部右侍郎與宗伯毛文簡公協心秉正會郊祀且迫而駕猶未還清草疏數百言上之。上亦爲感動秩滿進階通議大夫贈及再世如其官蔭一孫入監讀書宸濠旣獲武宗駐蹕通州江彬在側人情洶洶內閣會議疏請班師辛巳武宗崩世廟入繼大統復會議迎駕冊立勸進頒詔易服臨喪諸吉凶大禮清援古證今折中羣言時以清所議爲得體從清居多有忌清欲傾之者嗾臺諫撫他人事誣清不根特甚衆論譁然內閣亦持之不下而清從容鎮靜因詔例自引退無少濡滯一時皆爲清不平王文恪公方家居因作風聞論以雪之論一出而輿論益定於是

南北臺諫程英朱洗等四十餘人并撫巡各上章論薦上乃起清南京禮部右侍郎清既歸自喜甚適絕意仕進不謂復有簡命不得已之任兩疏乞歸不允歸志已決疏益懇是秋得命旨有歷事先朝講讀年久多効勤勞既病篤懇辭陞南京禮部尚書致仕先是清以進徽號賀表上京師至東昌門命有勸清謀以代進者清曰清被皇上渥恩得遂私請今一事不終豈人臣之義乎時已力疾猶云縱不能覲天顏得一拜關門爲幸抵德州興疾而進卒於河間府瀛海驛戊子閏十月二十九日也得壽六十有九清疾革時知府牛天麟問以家事曰無以問也吾表安在謹護之牛深歎其忠勤始終敬畏不亂

賈詠字鳴和河南臨潁縣人弘治丙辰進士改庶吉士授編修充經筵講官正德四年爲纂修事件逆瑾改兵部武選司主

事五年遷禮部祠祭司員外郎瑾誅還編修六年遷左春坊左

中允九年轉侍講學士掌南京翰林院十一年拜南京國子監

祭酒十三年改北監祭酒以父樂菴年九十有五便道歸壽穎

人榮之隨丁父憂十六年服除世廟登極擢禮部左侍郎奉

命詣承天上獻皇帝尊號賜白金文綺嘉靖二年改吏部詳內

閣

注俊詳尚書正德十六年任右

劉龍字山西潞安府襄垣縣人弘治己未探花廷對勸

上崇敬畏傲逸愆獎忠斥佞建中和之極爲禮樂之本使政出於一而達之天下擢編修進修撰正德、年忤逆瑾出爲兵部職方司主事五年陞吏部考功員外郎持正不苟本年復修撰十一年陞侍講學士十五年改侍讀學士嘉靖元年陞禮部右侍郎丁憂四年復除右尋轉左七年陞南京禮部尚書八年改南吏部十二年改南京兵部尚書所在砥節礪行不與世浮沉爲講官講誠能動物章引黃河清爲証勸世廟謙以履盛約以持盈感溢天顏又抗疏論太后廟見并集議弭災十事又條宣大邊務六事詳南京兵部

吳一鵬見尚書嘉靖元年右二年左

朱希周嘉靖二年右陞南京吏部尚書詳南吏部

李時見尚書嘉靖三年右四年左本年丁憂

劉龍見前嘉靖四年右尋左七年陞南京禮部尚書歷吏部兵部

崔鑾嘉靖四年右六年遷吏部入閣

桂萼見尚書嘉靖六年右

方獻夫見尚書嘉靖六年右

徐縉嘉靖六年右七年遷吏部左侍郎

嚴嵩見尚書嘉靖七年右八年左十年陞吏部左

李時見前嘉靖八年左

何塘嘉靖八年右本年陞南院右都御史

湛若水嘉靖八年右十年左十二年陞南京禮部尚書

夏言見尚書嘉靖十年右

顧鼎臣嘉靖十年右十一年遷吏部歷內閣

席春嘉靖十一年右十二年遷吏部右侍郎

黃綰詳尚書嘉靖十二年左

黃宗明字誠甫浙江寧波府鄞縣人號致齋祖瑛爲廬陵教諭  
襲薛姓弗克復與祖母董夜坐悒悒言致齋時八歲聞自任誌  
不忘迨登第正德甲戌歲也首疏復黃姓別爲祠祀薛祖禮也  
乙亥授南京武庫司主事己卯陞武選員外郎宸濠反上江防

三策上諫南巡疏 武宗幸南都百官服單甲衣以朝致齋約  
言官面奏不宜服褻不果遂告病歸寶巖山中辛巳陞工部屯  
田司郎中不起癸未補南京刑部四川司郎中時羅峯見草疏  
議大禮百僚醜詆曰奸邪云奸邪云致齋獨曰繼統者三代通  
制繼嗣者王莽敝議我 祖皇帝純法三代公侯伯軍職承襲  
或弟繼兄或叔繼姪皆曰弟曰姪不曰子公侯伯如是 天子  
何獨不然乃附名於疏卒正大禮乙酉陞江西吉安府知府下  
車首建白鷺洲書院以道德勗諸生次平巨寇次治奸吏次決  
健訟又行清算法次行團甲法次修義倉行備荒法皆有條緒  
丙戌轉福建鹽運司丁亥召修 明倫大典丁母夫人憂弗克



行已莊陞光祿寺卿輯光祿須知爲疏以進疏畧曰帝王謹  
德供御飲食至爲切近又曰宗廟薦祭竭誠致報去奢止欲  
養德養身不可不慎又曰乞爲中制使祀有常式薦有常品膳  
肴常味賓賜有常格多寡有常數食饒無所於利上嘉焉  
著爲令又應詔言四事一曰求才臣記太祖高皇帝有曰  
英雄作事焉有深仇當時屈用羣策奮死効力者皆對挺角逐  
之徒太祖惟不知仇是以坐享成功陛下以君之尊有父  
之親臨馭臣子今日有罪明日誅斥今日赦之明日用之誰敢  
懷怨臣願赦過宥罪舉四方廢棄之人以充任使仍令京堂各  
舉部屬二曰勵志今百姓饑餓四方告變獨陛下憂形於色

廟堂之上恒若無事民且相食盜賊滋生尚悠悠不圖伏願益  
加兢惕使百官明知陛下心儆於有位崇儉節用易曰其亡  
其亡繫於苞桑三曰定計今富國者患至始慮事過卽休譬之  
貧民無終日之計自成化以前淮安州臨清德州通州倉有儲  
積饑饉有備正德年來冗食者衆京儲糧少倉廩空竭宜擇太  
臣發銀百萬委之操出納歛散之權制四方盈歉之數專實淮  
徐濟臨德通荒田可屯者屯之法敝壞者便宜區處期之數年  
安邊足用之長策視今日相遠萬萬也四曰責任近日中外臣  
工更代不常違衆獨立者多不理於口功將就緒事從中沮以  
數月積累之勞墮廢於一旦願久任以責成功不爲遙制不求

速效不以一事之失遽棄不以一人之言遽疑俾無畏忌而盡  
其材皆切時弊壬辰陞兵部右侍郎編修楊名言事下獄又疏  
論救因出叅閩省政癸巳冬特召補禮部右侍郎乙未轉左  
侍郎丙申冬十一月卒于位

國朝列卿紀卷之四十四終

國朝列卿紀卷之四十四終